



1990

Всего

I. Mag. St. Dr.

P

61



6111. 1. 4. 50. BREVE
ENCOMION

Reuerendissimi Domini,
DOMINI THOMÆ
OBORSKI

I. V. D.

Suffraganei, Canonici, et Officialis Generalis Craco:
Episcopi Laodicensis, recens inaugurati.

T.

S.

O.

E.

O.

C.

C.

L.



5266
Pocina
Crac: Typis Basily Skalski, Anno D. 1615.

1990 I

BIBLIOTHECA
VNIV. IAGELL
GRACOVENSIS.



NOVO ANTISTITI
THOMÆ OBORSKI

Virtute, Doctrina, Genere,
Viro illustri:

Ob eximium diuini cultus propagandi
Z E L V M,

Et disciplinæ Ecclesiasticæ conseruandæ
studium singulare,

A PETRO TYLICKI VIRO GRAVISSIMO
Cracouiensium Illustrissimo Præsule,

In socium laborum adscito;

Et post longam

Et constantem tanti honoris & dignitatis
Fugam

Tandem ab eodem

In Laodicensem Episcopum


Ritu solenni

Feliciter consecrato.

C. C. D. A.

Suo veteri sodali

Pignus amoris.



EMBLEMA.

Hercules pro Atlante cælum sustinet.

Fama vetus perhibet validis Atlanta lacertis
Sidereas quondam sustinuisse domos:
Ægra senescentis sed enim cum genuâ labarent,
Sarcina nec cælum iam satis apta foret:
Amphitryoniadem monitum iuuisse, molesto
Ceruicemq; oneri supposuisse ferunt.

Non aliter, si vera licet componere fictis,
PRAESVL PETRE tibi prospicis auxilium.

Non aliter collega tibi, quæsitus O B O R S K J
Ponderis in partem, subsidiumq; venit.

Tempus edax minuit vires, Prouincia Craci
Sarcina ceruici, iam minus apta tuæ.

Maior Atlante quidem cælo grauiora tulisti
Indefessus adhuc munera, PETRE tua.



Et ferres, animi si corpus viribus esset
Non impar, illum & par, sequeretur adhuc.

Idcirco mitrà, lituoq; insignis O B O R S K J
Herculis Atlanti, lectus ad instar erit.

Ille bonus tantum, doctusq; potensq; subire,
Dignior Alcides, quem sibi vellet Atlas:

A iiii

Id




Id spondet pietas, geminiquē id laurea juris,
Nobilis & spondet, stemma, columna domus.

De fuga dignitatis oblatae.

Ponē sequens te sanctus honos dū prendere tentat,
Virtutiquē tuæ deproperare decus:
Tu fugis, & fragiles doctus contemnere mitras
Prensanter metuis, nec fugiturus abis.
At cuinam tali victoria parta duello?
Vicit & hic fugiens, vicit & ille sequens.

Emblema.

Columna soli aduersa umbram projicit.



Vt solet umbra suū comitare per omnia corpus,
Asseda virtutem, sic comitatur honor.
Aduersos aciem Phœbi qui iactat in orbes
A tergo comitans hunc solet umbra sequi:
Mentis in æternæ fixisti lumina vultum,
Quid mirum à tergo, si comitatur honos?
In solem conuerte oculos, utcumque sequantur
Umbræ, ne timeas, nil nocet umbra sequax.

Ignis



Ignis flammam, virtus honorem parit.

DVmte quærit honor, latebras tu quærere tentas,
Sed frustra: nunquam delituisse potes.
Nescia namq; tegi se virtus splendida prodit,
Ignis vt à flammâ proditur ipse sua.

Honor virtutis, fidus Achates.

VEntosum fateor virtus conculcat honorem,
Principis arcano, corde sepulta viri.
Diuitijs animosa suis mortalia cuncta
Despicit, vna illam spes benefida fouet.
Hanc tamen in terris, etiam comprehensat, & vltro
Ambit honor, varijs sollicitatq; modis.
Tecq; adeò pridem meriti sectantur honores,
Tu fugis, instat honos, spes tibi nulla fugæ.

Parænesis.

Ad Dignitatem admittendam.

ANne adeò despecta iacent, inhonoraq; honorum
Præmia, vt illa tibi certò eiuranda putaris?

Si

Si bene te noui, non te labor ipse grauauit
(Plurima namq; huius pridem argumenta dedisti)
Quo minus impositum ferres, humerisq; subires
Indefessus onus. Quænam ergo repagula tanta,
Quæ tantæ tenuère moræ? Scio: turgida prudens,
Et meritò, suspecta timebas carbasa Tiphys,
Ne tua fortè ratis populari concita vento,
In Syrtim aut scopulos rueret; quæ plurima nautis.
Æquore in infido metuenda pericula: verùm
Parce metu. Quæcunq; tibi aspirauerit aura,
Arbitrio frænare tuo potis, & potis iras
Declinare Noti, facilis modo lintea pande,
Sollicitata sacram portantia leniter Argo.
Officiosa vides, ne sortem sperne vocantem:
Curarum in PARTEM QVE veni, fessosq; laborum
Pontifici, par nobilibus curisq;, locoque
Indulge socias tollenda in pondera vires.



Votum

Votum

Pro Felici functione muneris.

HUc age; coelicum Regnis delapsa clienti
Auxiliatrices ser pia turba manus.
Tunc adeò tu, Diua parens, succurre merenti
Namq; tuo quondam præfuit ille choro.
Per noua nunc alijs dare cœrula classibus Austros
Atq; nouę Tiphys cogitur esse ratis.
Da facilem Pelagoq; viam, ventosq; ferentes,
Gaudeat inflato carbasus ipsa sinu.
Neue per obscuras, petat Acroceraunia noctes:
Ipsa rati Pollux, Castor & ipsa veni.



B

In coro-

In coronatam columnam
INSIGNE GENTIS
OBORSKI.



I.

Quæ tibi iam, PRAESVL, poterit fortuna deesse,
Eduri lapides cum tibiserta ferant?
Marmora te fortem, victoremserta fatentur:
Impediat superest quid, nisi mitra caput.



II.

Res mira : oblatos renuit sibi PRAESVL honores,
Pontificale decus, pontificale Pedum.
Non mira : alta columna virū erigit, altus honores
Despicit humanos, sub pedibusq; videt.

III.


Oppressisse alios, quem pondere cernis iniquo,
Hic tibi PRAESVL honor, dulce leuamen erit.
Namq; alijs fragilis, fundamen honoris arundo est,
At basis est decoris firma columna tui.

IV.

Lilia marmoreæ surgunt innixa columnæ:
Vt cælo propius nobili odore fragrent:
Non hoc naturæ pignus, debetur at arti:
Virtuti menses fert etiam ipsa silex.

V.

Fama canit veteres olim coluisse laborem,
Quem comitaretur fortis honoris amor :



Atq; aras ideò duplici celebraſſe ſacello,
Primaq; virtutis, altera honoris erat:
Hoc tuus hoc ipſum clypeo deſcripſit Apelles:
Ardua ſi ſuperes, lilia deînde metes.
Deſinit in ſtorem veluti tua namq; columna,
Sic abit eximio durus honore labor.

VI.

Omen, id eſt: multos referes virtutis honores,
Nec te magnanimum, munus onuſq; premet.



Biblioteka Jagiellońska



stdr0017714

